



Inatsisartunut ilaasortaq Nikolaj Jeremiassen, Siumut
Inatsisartut
/MAANI

Aalisarneq pillugu inatsit pillugu § 37 naapertorlugu apeqquteqaammut nr. 2015-290-imut akissuteqaat

21-12-2015
Suliap normua: 2015- 17548
Akt. nr. 1778285

Inatsisartut Suleriaasissaanni § 37, imm. 1 naapertorlugu aalisarneq pillugu inatsimmi § 5 pillugu Naalakkersuisunut apeqquteqaateqarputit. Apeqqutit uannut akisassanngortinneqarpoq.

Postboks 269
3900 Nuuk
Oqarasuaat (+299) 34 50 00
Fax: (+299) 34 63 55
E-mail: apnn@nanoq.gl
www.naalakkersuisut.gl

Apeqqutit:

Naammappa Aalisarnermut inatsisip § 5, immik. 3, allanngortissallugu sinerissap qanittuani avataasiorlunilu kilisaatersortut pisassaasa agguataarneri 43/57 %-miik 50/50 %-mut allanngortikkumagaanni – imaluunniit Naalakkersuinikkut allaffissornikkulluunniit allatigut aamma iliuuseqaqqaartariaqarpugut?

Akissutit:

Inatsisartut aalisarneq pillugu inatsimmi allannguisinnaatitaapput, allanngueq tassungalu akuersineq tunngaviumik inatsisip iluaniippat kiisalu piffissamik killiligaanngitsumik pisassiissutit atorunnaarsinnissaannut Inatsisartut inatsisaannik akuersisoqarpat, soorlu raajartassiissutinut taamaattoqarsimasoq.

Sinerissap qanittuani avataasiorlunilu raajartassat 43/57-init 50/50-inut agguassanngortinneqarpata siullertut piumasaqaataavoq aalisarneq pillugu inatsimmi atuuttumi § 5, imm. 3-p allanngortinnissaa.

Inatsimmik allannguerup kingunerissavaa raajartassat siunissami inatsimmi aalajangersakkamik nutaamik tunngaveqarluni agguanneqartarneri.

Maanna 43/57-inik sinerissami qanittumi raajarniartunut avataasiorlutillu raajarniartunut pisassiisarneq taamaalilluni atorunnaassaaq, § 5, imm. 3-mik atuuttumik allanngueq akuersissutigineqarpat.

Apeqqutit:

Inatsisitigut arlaatigut akornutissaqaqarpa agguataarinninneq qulaani taaneqartoq naammassillugu suliarissagaanni – aamma allannguutissap piffissatigut killiffilerlugu nalunaarutiginnittoqartariaqassava, taamaappallu piffisarititaasusaaq qanoq sivisutigissava?

Akissutit:

Nalilerneqarpoq agguariaaseq Naalakkersuisut taarsiissutitaqanngitsumik aalisarnermi aaqiisinaanerannik oqartussaanerannut ilaasoq.

Aamma nalilerneqarpoq agguariaatsimik allanngueq arsaarinnilluni akulerunnerunngitsoq.

Taamaattoq naapertuuppoq sinerissami qanittumi avataasiorlutillu aalisariutinut agguaassinerup allannguisoqarneranut atatillugu piffissamik naammattumik siumut ilisimatitsereernikkut tamatuma pinissaata akuerineqarnissaa. Piffissamik naammattumik siumut ilisimatitsisarneq pillugu Inatsisartuni siornatigut oqaluuserineqartarnerani ilassutitut isumaliutissiisummik suliaqartoqarpoq, tassani ersilluni siumut ilisimatitsineq ukiunik 5-inik sivisunerussanngitsoq.

Apeqqutit:

Naalackersuisut naliliinerat naapertorlugu, agguataarinninneq qulaani taaneqartoq atuutilissappat, pisortanut aningaasatigut allaffissornikkullu kingunerisassai suuppat?

Akissutit:

Sinerissap qanittuani aalisariutinut avataasiorlutillu aalisariutinut agguaariaatsimik allannguisoqassagaluarpas allaffissornikkut isumalluutininik atuinermi allannguisoqassanngitsoq nalilerneqarpoq.

Apeqqutit:

Naalackersuisut naliliinerat naapertorlugu, agguataarinninneq qulaani taaneqartoq atuutilissappat, inuusutissarsiortunut sunniutissai suuppat – uani immikkut eqqarsaatigineqarlutik sinerissap qanittuani aalisartut aammalu avataasiorlutik kilisaatersortut?

Akissutit:

Naalackersuisut naliliinerat naapertorlugu agguaasseriaatsimik allannguisoqassagaluarpas avataasiortunut aalisariutinut tunngatillugu aningaasartuutaassaaq, agguaariaatsimik allannguisoqarnissaanut aamma naammattumik siumut ilisimatitsisoqanngippat. Inatsisartut aalajangersakkami akuersissutit killiligaanngitsut killeqartunngortitsisinnaanerats apeqqutaatillugu inuusutissarsiutini illuatungeriit aalajangiineq eqqartuussivinnut misilinneqartussanngorlugu suliaassanngortitsisinnaanerats mattunneqarsinnaanngilaq.

Agguaasseriaatsimilli allannguisoqassagaluarpas sinerissami qanittumi aalisariutinut annerusumik sunniuteqassanngitsoq naatsorsuutigineqarpoq, tassami sinerissami qanittumi aalisariutit pisassiissutit amerlinerat tamakkerlugit aalisarsinnaassagaat naatsorsuutigineqarmat.

Apeqqut misissueqqissaappaarani imaaliallaannaq akineqarsinnaanngilaq, soorlu suliaasaqartitsinermi aningaasaqarnerup kinguneranik aamma allannguisoqarsinnaammat. Naalackersuisut maannaagallartoq pissutsinut tunngasunik kisitsisinik takussutissaateqanngillat.

Apeqqutit:

Naalackersuisut naliliinerat naapertorlugu, qulaani agguataarinninneq atuutilissappat, innuttaasunut aningaasatigut allaffissornikkullu kingunerisassai suuppat?

Akissutit:

Sinerissami qanittumi raajartassiisutininik maanna 43 %-init 50 %-inut allannguinerup kingunerissavaa raajanik tunisassiorfinnut tulaassuisarnerit amerleriarnissaat.

Naalackersuisut nalilerpaat tamanna tunngavigalugu innuttaasunut suliffissaqartitsiniarnikkut iluaqutaassasoq.

Apeqqutit:

Naalackersuisut isumaqarpat immikkut oqaatigisariaqartoqartoq allatigut pitsaaqutissanik ajoqutissanillu (s.i. uummassuseqatigiinnermut, suliffissaqartitsiniarnikkut, inuiaqatigiit aningaasaqarniarnerannut) qulaani agguataarinninnerup allannguutaanut attuumassutilinnik?

Akissutit:

Avataasiorlutik sinerissallu qanittuani raajarnianut pisassiissutit assigiimmik avinneqarnerisigut raajarniarnermi aalisarsinnaatitaanernik siammaasoqassasoq aamma naatsorsuutaavoq.

Inussiarnersumik inuulluaqqusillunga

Karl-Kristian Kruse